

21.^{æek} korrika

2019ko apirilaren 4tik 14ra GARESTIK GASTEIZA



21.^{æek} korrika
2019ko apirilaren 4tik 14ra
GARESTIK GASTEIZA



Garestik Gasteiza A1

21. KORRIKA apirilaren 4an hasi eta 14an amaituko da. Edizio hau Garestik Gasteiza joango da, eta, bidean, Euskal Herriko herri askotan ibiliko da. Hamaika egun horietan, milaka eta milaka korrikalari ikusiko ditugu gure *errepideetan*¹.

02 | 21. KORRIKA



GARES

Gares Nafarroa Garaian dago, Iruñetik 24 kilometrora. Herria *Donejakue bidean*² dago, eta, *bertan*³, Somporteko eta Orreagako bideak *elkartzen*⁴ dira. Baina, apirilean, bestelako peregrinazioa hasiko da Garesen: KORRIKA.

Bardeatik Pirinioetara

Nafarroa Garaian, hainbat paisaia-mota dago: Bardeako *basamortua*⁵, Iratiko *basoa*⁶, Pirinioetako mendi zuriak... 21. KORRIKA leku horietan ibiliko da,

lehenengo egunetan. Garestik Lizarraldera joango da, gero San Adrianera, eta handik Erriberara, Bardearen ondora. Gero, Tafallaldetik eta Zangozaldetik Pirinioetara igoko da, Zaraitzu eta Aezkoa *haranetara*⁷.

Apirilaren 6an, KORRIKA Aoizera joango da, eta handik Iruñera. Gaueko bederratzia arte egongo da Nafarroa Garaiko *hiriburuan*⁸, eta handik Pirinioetara igoko da berriro, Orreagara, zehazki. Nafarroa Beherean sartu aurretik, Ibañeta *mendatetik*⁹ pasatuko dira korrikalariak. Hori izango da, 1.053 metro-ra, 21. KORRIKAREN lekurik altuena.

Iparraldean lasterrez¹⁰

KORRIKA goizaldeko hiruretan helduko da Donibane Garazira. Ondoren, Os-

kitze mendatetik, Zuberoan sartuko da, eta *egunsentian*¹¹ Maulen egongo da, Zuberoko hiriburuan, hain zuzen. Apirilaren 7an, korrikalariak Iparralde osoa *zeharkatuko*¹² dute, eta, arratsaldeko seietan, Baionara helduko dira. Laster, Angelun, Kantauri itsasoa ikusiko dute, eta gero Irunera joango dira.

7tik 8rako gauean, Hegoaldean ibiliko da KORRIKA: hasieran, Irunen eta Hondarribian; gero, Nafarroako Bortziritan. Goizaldeko seietan, Iparraldean sartuko da berriro, Lizarrieta mendatetik, eta Sara, Ezpeleta eta Ainhoa herriak bisitatuko ditu. Azkenean, Dantxarinetik Nafarroa Garaia *itzuliko*¹³ da, Baztanera.

Mahastien¹⁴ artean

9an, korrikalariak Ultzama, Basaburua eta Larrauneko basoetan ibiliko dira. Handik, Sakanara joango dira, eta, Aralar eta Urbasa *mendilerroen*¹⁵ artean, Arabarantz *abiatuko*¹⁶ dira.

10ean, goizaldean, KORRIKA Lautadan sartuko da, handik Errioxara joango da, eta mahastien artean ibiliko dira, gauera arte. Ondoren, Urizaharra mendatetik, Trebiñura joango da, gero Añanara, eta handik Gorbeialdera. Barrerilla mendatea jaitsi, eta korrikalariak Urduñan egongo dira, Bizkaiko hiriburu zaharrean.

Itsasoari begira

Urduñatik pasatu eta gero Aiaraldetik Bizkaira itzuliko da KORRIKA. Hego

APIRILAK 4

GARES 17:00
Lizarra 19:25
Lodosa 23:26

APIRILAK 5

Tutera 08:35
Tafalla 17:05
Zangoza 22:30

APIRILAK 6

Jaurrieta 05:50
Iruñea 14:47
Orreaga 23:45

APIRILAK 7

D. Garazi 02:47
Maule 07:10
Baiona 18:05

APIRILAK 8

Irun 00:45
Elizondo 13:22
Lekunberri 19:23

APIRILAK 9

Altsasu 04:45
Agurain 07:53
Bastida 19:15

APIRILAK 10

Laudio 08:17
Galdakao 12:12
Algorta 21:39

APIRILAK 11

Barakaldo 00:31
Bilbo 11:46
Gernika 20:11

APIRILAK 12


Lekeitio 01:32
Zarautz 13:00
Donostia 16:28

APIRILAK 13

Hernani 01:24
Tolosa 04:15
Durango 18:55

APIRILAK 14

Otxandio 01:00
Arrasate 03:52
GASTEIZ 12:30



Uribe, Txorierri eta Uribe Kosta bisitatuko ditu, eta, Bizkaiko Zubi **ospe-tsua**¹⁷ zeharkatu ondoren, Ezkeraldera joango da. 10etik 11rako gauean, Meatzaldean eta Enkarterrin ibiliko da. Eguerdian, korrikalariak Bilbora heldu eta auzoz auzo ibiliko dira, arratsal-dera arte. Orduan, hiriburutik atera-takoan, Busturialdera eta Lea-Artibairantz abiatuko dira.

12an, Gipuzkoan sartuko da KORRIKA. Debabarrena, Eibarraldea, Urola, Urola Kosta eta Lasarte zeharkatuko ditu, eta Donostira helduko da. Gauean, Donostiatik Oarsoaldera joango da, Pasaian **itsasadarra**¹⁸ traineruz gurutzatuko du, eta agur esango dio itsasoari.



Gasteizerantz

13ko goizaldean, Hernanialdean ibiliko da KORRIKA. Amaitzeko 36 ordu faltako dira, baina Gasteizera heldu aurretik, **eskualde**¹⁹ batzuk bisitatuko ditu: Gipuzkoan, Tolosaldea, Goierri, Urola Garaia, Debagoiena eta Eibarraldea; Bizkaian, Durangaldea eta Arratia. Azkenean, Otxandion, korrikalariak Bizkaia utziko dute, eta Debagoienetik Gasteizerantz joango dira.

KORRIKAren APPa

Non dago KORRIKA? Noiz helduko da? **Atzeratuta**²⁰ dator? Laster, AEK-k informazioa emateko APP bat martxan jarriko du eta galdera horien erantzunak jakingo ditugu. Aplikazio horretan, KORRIKAren mapa eta KORRIKA kulturelaren agenda ikusi ahal izango ditugu, eta **lehiaketa**²¹ batean parte hartu ahal izango dugu. Lehiaketan, KORRIKAri buruzko galderak egingo dira, eta irabazleek **sariak**²² jasoko dituzte.

GASTEIZ

KORRIKA 8:30ean sartuko da Gasteizen. 12:30ean, milaka euskaltzale bilduko dira Andre Maria Zuriaren plazan. Han, KORRIKAren mezua irakurri ondoren, lasterketa amaitu eta azken eguneko jai handia hasiko da.

✱ **ARTIKULUA IRAKURRI ETA MAPA IKUSI ONDOREN, LOTU HERRIAK ETA DATAK, ETA IDATZI, ADIBIDEAN BEZALA.**
 DESPUÉS DE LEER EL ARTÍCULO Y VER EL MAPA, UNE PUEBLOS Y FECHAS, Y ESCRIBE ESTAS COMO EN EL EJEMPLO.
 APRÈS AVOIR LU L'ARTICLE ET AVOIR VU LA CARTE, JOIGNEZ-VOUS LES VILLAGES ET LES DATES, ET ÉCRIVEZ-LES COMME DANS L'EXEMPLE.

Noiz helduko da KORRIKA...

1. ... Elizondora? <i>Apirilaren 8an, eguerdiko ordu bata eta hogeita bostean.</i>	2019/4/8 (07:20)
2. ... Portugaletera? _____	2019/4/7 (10:00)
3. ... Donapaleura? _____	2019/4/8 (00:20)
4. ... Guardiara? _____	2019/4/8 (13:25)
5. ... Zumaiara? _____	2019/4/9 (16:55)
6. ... Ondarroara? _____	2019/4/10 (23:40)
7. ... Sarara? _____	2019/4/12 (05:30)
8. ... Hendaia? _____	2019/4/12 (11:45)

- 1. Errepide:** carretera; *route*
- 2. Done Jakue bidea:** camino de Santiago; *chemin de Saint Jacques*
- 3. Bertan:** aquí, ahí, allí (mismo); *là-même, ici-même*
- 4. Elkartu:** juntar(se); *(se) rencontrer*
- 5. Basamortu:** desierto; *désert*
- 6. Baso:** bosque; *forêt*
- 7. Haran:** valle; *vallée*

- 8. Hiriburu:** capital; *capitale*
- 9. Mendate:** puerto; *col*
- 10. Lasterrez:** korrika, Iparraldean.
- 11. Egusenti:** amanecer; *aube*
- 12. Zeharkatu:** atravesar; *traverser*
- 13. Itzuli:** volver; *retourner*
- 14. Mahasti:** viñedo; *vigne*
- 15. Mendilerro:** cordillera; *cordillère*
- 16. Abiatu:** dirigirse; *se diriger*

- 17. Ospetsu:** famoso,-a; *fameux,-euse*
- 18. Itsasadar:** ría; *ria*
- 19. Eskualde:** región; *région*
- 20. Atzeratuta:** con retraso; *en retard*
- 21. Lehiaketa:** concurso; *concours*
- 22. Sari:** premio; *prix*

04 Denbora-pasak

LEKU EZKUTUA

ZEIN LEKU DA HAU?



- KORRIKA BEHIN HASI DA LEKU HORRETAN.
- OTEIZAREN ESKULTURA EZAGUN BAT DAGO.



LETRA ZOPA

KORRIKA HERRI ASKOTAN HASI DA. HEMEN, ZORTZI DAUDE. AURKITUKO DITUZU?

H A B T P Y M A U L E Z
V T Y M H E N D A I A O
U H F L F W V Z T K Q R
I A T K X E N A R A M R
P R Q I V K W N E R C E
F R Q Y T Y E D B R N A
A A D Z G X W O I A L G
W T Q B A S G A Ñ N G A
Y Z C U S E G I U T H H
U E P D L E A N O Z U J
T U T E R A O Q U A J K
E L R Z H G C A B A J P

ARIKETEN ETA DENBORA-PASEN ERANTZUNAK:
<http://www.korrika.eus/euskaltegi-etarako-unitate-didaktikoak.html>